



Avannaata Kommunia
Kommune Qeqertalik
Qeqqata Kommunia
Kommuneqarfik Sermersooq
Kommune Kujalleq

Asasagut kommunit

27-03-2020
Sags nr. 2019 - 10367

Soorlu tamassi nalunngikkissi ulluni makkunani suliffeqarfiit amerlasuut ilungersunartorsiorput COVID-19-imik pissuteqartumik, kaaviiartitat sulisullu tigummiinnarniarneri eqqarsaatigalugit.

Postboks 930
3900 Nuuk
Tlf. (+299) 34 68 00
Fax (+299) 43 02
E-mail: ISIIN@nanoq.gl
www.naalakkersuisut.gl

Pisortat ikiorsiissutissanik aaqqissuussimapput aningaasarsionnikkut oqimaatsorsiorneq annikinnerulersinniarlugu, inatsisillu atuuttut qanoq paasineqarnissaat misissoqqissaarneqarpoq, ikiorsiissutinik aaqqissuussineq annertunerpaatigut ilalersorsinnaajumallugu.

Taamaakkaluartooq pinngitsoorneqarsinnaanngilaq sulisut ilaasa, minnerunngitsumik nunatta avataaniit suliartortut ikiorsiissutini ilaannginnerat, akissarsiaqaratillu angerlartinneqanngikkunik soraarsinneqartarlutik.

Taamatut pisoqartillugu sulisuusumut atugassarititaasut Kalaallit Nunaanni sulisinnaanermut najugaqarsinnaanermullu atorunnaartarput, taamalu sulisinnaanermut najugaqarsinnaanermullu akuersissutaasut utertinneqartarlutik danskit pisortaasa oqartussaasuinit, sulisusoq akuersissutip utertinneqannginnerani nutaamik suliffissarsisimangippat.

Kisianni suli Kalaallit Nunaanni sulisussanik amigaateqartoqarpoq, neriussaagullu COVID-19 piffissami killilimmi ajornartorsiutaassasoq. Sulisorisat nunanit allaneersut maanna angerlartinneqartut imaluunniit soraarsinneqartut Kalaallit Nunaanni inuussutissarsiutini allani atorneqarsinnaapput, taamaattumillu Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalakkersuisoqarfiup SIRI (Styrelsen for International Rekruttering og Integration) oqaloqatigisimavai, danskit pisortaat taakkua Danmark-imi suliffeqarnermi nikinnerni sulisinnaanermut najugaqarsinnaanermullu akuersissutinik suliaqartartut.

SIRI tamatumunnga atatillugu nalunaarpoq isiginiarlugit pissutsit maanna atuuttuusut, tamatumani aamma sulisunik pineqartunik piffissami matumani Kalaallit Nunaanniit aallartitsinnaannginneq, suliarineqartassasut suliffimmiit suliffissamut allamut nuunnerit sapinngisamik sukkasuumik.

Kisiannili tamatumunnga atatillugu pisariaqartinneqartoq Kalaallit Nunaata nammineq iluani ileqquusut malinneqartarnissaat, tamatumalu kingunerisaanik ilaatigut kommunit akuersissuteqartarnerat Kalaallit Nunaannut suliffissarsiortut killilersimaarnissaat pillugu Inatsisartut inatsisaat naapertorlugu.

Inuussutissarsiornermut, Nukissiuuteqarnermut, Ilisimatusarnermut Suliffeqarnermullu Naalackersuisoqarfiup taamaattumik sakkortuumik inassutigissavaa ilissi asasagut kommunit kommunini akuersissutissat suliffimmi nuunnernut atatillugu ulloq taanna tigugaangassigit ingerlaannaq suliarisassagisi.

Tamatumunngalu atatillugu oqaatigineqassaaq periarfissaq sulisuusumik nunaqarfimmut / illoqarfimmut allamut ingerlatitsisarsinnaanermik maanna atuuttuusoq atorunnaarsikkallarniarlugu qinnuteqartoqartassasoq angalasinnaanerup nunaqarfiit / illoqarfiit akornanni periarfissaqartikkumallugit suliani taamaattuni pingaarnertaatinneqartariaqartuni.

Kommunip akuersissutaa pineqaraangat qinnuteqaat ilanngullugu sapinngisamik sukkanerpaamik SIRI-mut nassiunneqartassapput, qularnaarneqaqqullugu nunanit allaniit sulisorisap sukkanerpaamik Kalaallit Nunaanni nuannaarutaallunilu iluaqutaasinnaanera.

Naggasiullugu ilisimatitsissutigineqassaaq aaqqissuussineq ileqquusussaq siuliani pineqartoq taamaallaat atuuttuussammat COVID-19-ip suliffissaqarniarnernut sunniuteqarnerani, nunanit allaniit suliaartortartut eqqarsaatigalugit.

Qaqugu aaqqissuussineq atorunnaassanersoq SIRI suleqatigalugu aalajangersarneqarumaarpoq, taamaattoq kingusinnerpaamik ulloq 30. juni 2020.

Inussiarnersumik inuulluaqqusillunga
Med venlig hilsen



Lona Lyngé, immikkoortortaqarfimmi pisortaq
Suliffeqarnermut immikkoortortaqarfik